

Na osnovu člana 11. Odluke o uslovima, kriterijima i postupku dodjele sredstava za sufinansiranje mjera smanjenja aerozagađenja na području grada Tuzle („Službeni glasnik Grada Tuzla“ broj: 2/20 i 6/20), Grad Tuzla, **dana 04.06.2020. godine**, objavljuje:

JAVNI POZIV
za dodjelu sredstava za sufinansiranje mjera smanjenja aerozagađenja
na području grada Tuzle u 2020. godini

I PREDMET JAVNOG POZIVA

Predmet ovog javnog poziva je dodjela sredstava iz Budžeta Grada Tuzle za 2020. godinu za sufinansiranje mjera smanjenja aerozagađenja u individualnim stambenim i individualnim stambeno-poslovnim objektima na području grada Tuzle.

Pod mjerama smanjenja aerozagađenja koje su predmet sufinansiranja podrazumijevaju se:

- a) nabavka i ugradnja toplotnih pumpi sa pratećom opremom i radovima,
- b) “utopljavanje” objekata u kojima se vrši nabavka i ugradnja toplotne pumpe, u vidu nabavke i ugradnje materijala za izolaciju vanjskih zidova i tavanice objekata i nabavke i ugradnje vanjske stolarije,
- c) nabavka i ugradnja kompaktnih toplinskih podstanica - KTP i
- d) nabavka i ugradnja kotlova sa isključivim pogonom na drvenu biomasu - peći na pelet.

Mjere smanjenja aerozagađenja koje nisu predmet sufinansiranja podrazumijevaju nabavku i ugradnju uređaja za zagrijavanje sa pogonom na električnu energiju.

II IZNOS SREDSTAVA ZA SUFINANSIRANJE

Ukupan iznos sredstava predviđen za sufinansiranje mjera smanjenja aerozagađenja na području grada Tuzle u 2020. godini je **362.000,00 KM**, u okviru kojeg iznosa će se za sufinansiranje mjera smanjenja aerozagađenja iz tačke I javnog poziva koristiti jednak iznos, odnosno iznosi od po **90.500,00 KM**.

U slučaju neutroška cjelokupnog raspoloživog iznosa sredstava za sufinansiranje jedne mjere smanjenja aerozagađenja, neutrošeni dio sredstava će se koristiti za sufinansiranje drugih mjera smanjenja aerozagađenja.

Dodjela sredstava za sufinansiranje mjera smanjenja aerozagađenja vrši se u sljedećim iznosima:

- a) do 50% od vrijednosti nabavke i ugradnje toplotne pumpe sa pratećom opremom i radovima, a ne više od 5.000,00 KM,
- b) do 50% od vrijednosti nabavke i ugradnje materijala za izolaciju vanjskih zidova, tavanice i nabavke i ugradnje vanjske stolarije, a ne više od 5.000,00 KM,
- c) do 50% od vrijednosti nabavke i ugradnje KTP-a, a ne više od 4.000,00 KM ili
- d) do 50% od vrijednosti nabavke i ugradnje peći na pelet, a ne više od 2.000,00 KM.

U okviru iznosa iz podtački a) i b), Grad Tuzla će finansirati troškove izvršenog energijskog pregleda objekta u iznosu do 50%, a ne više od 300,00 KM, osim u slučaju kada podnosilac prijave odustane od prijave, u kojem slučaju sam snosi navedene troškove.

III PREDMET PRIJAVE NA JAVNI POZIV

Predmet prijave na ovaj javni poziv mogu biti individualni stambeni i individualni stambeno-poslovni objekti na području grada Tuzle, pod uslovom da se za objekat koji je predmet prijave na javni poziv ne može osigurati načelna saglasnost JKP „Centralno grijanje“ d.d. Tuzla za priključenje na sistem daljinskog grijanja.

Izuzetno, predmet prijave na javni poziv u dijelu koji se odnosi na mjeru nabavke i ugradnje kompaktnih toplinskih podstanica mogu biti i individualni stambeni i individualni stambeno-poslovni objekti u obuhvatu zona toplifikacije usvojenih od strane Gradskog vijeća Grada Tuzla, za koje se

može osigurati načelna saglasnost JKP “Centralno grijanje” d.d. Tuzla za priključenje na sistem daljinskog grijanja i za koje je izdata posebna saglasnost za nabavku KTP koju će u postupku priključenja na sistem daljinskog grijanja JKP “Centralno grijanje” d.d. Tuzla pribaviti putem Službe za komunalne poslove, izgradnju i poslove mjesnih zajednica Grada Tuzla u ime vlasnika objekata.

IV POTREBNA DOKUMENTACIJA

Podnosilac prijave dužan je dostaviti sljedeće dokumente kojima dokazuje da ispunjava uslove za dodjelu sredstava za sufinansiranje mjera smanjenja aerozagađenja:

(a) dokaz o prijavljenom prebivalištu na adresi objekta koji je predmet prijave na javni poziv - obrazac izdat od strane MUP-a TK, ne stariji od 6 (šest) mjeseci, računajući od dana objave javnog poziva,

(b) zemljišnoknjižni izvadak, ne stariji od 6 (šest) mjeseci, izdat od strane Općinskog suda u Tuzli ili posjedovni list izdat od strane Službe za geodetske i imovinsko-pravne poslove Grada Tuzla za objekat koji je predmet prijave na javni poziv, odnosno za parcelu na kojoj je izgrađen objekat koji je predmet prijave na javni poziv ukoliko se radi o objektu koji nije uplanjen, ne stariji od 6 (šest) mjeseci, zajedno sa ovjerenom izjavom suvlasnika ili suposjednika, ukoliko je objekat ili zemljište u suvlasništvu ili suposjedu, kojom se daje saglasnost za implementaciju mjera u objektu koji je predmet prijave na javni poziv,

(c) ovjerenu izjavu vlasnika ili posjednika kojom se daje saglasnost za implementaciju mjera u objektu koji je predmet prijave na javni poziv, zajedno sa zemljišnoknjižnim izvadkom ili posjedovnim listom za objekat, odnosno parcelu, ukoliko podnosilac prijave nije vlasnik ili posjednik objekta koji je predmet prijave na javni poziv, odnosno parcele na kojoj je izgrađen objekat koji je predmet prijave na javni poziv ukoliko se radi o objektu koji nije uplanjen,

(d) izjavu podnosioca prijave da je saglasan da Služba za komunalne poslove, izgradnju i poslove mjesnih zajednica pribavi za potrebe osiguranja dokaza o boravištu na adresi objekta koji je predmet prijave na javni poziv, putem JP “Elektroprivreda” d.d. Sarajevo, Podružnica “Elektrodistribucija” Tuzla, račune za uslugu snabdijevanja električnom energijom, za period od 3 (tri) mjeseca prije objave javnog poziva,

(e) izjavu podnosioca prijave da će u roku od najkasnije 24 (dvadesetčetiri) mjeseca, računajući od dana podnošenja blagovremenog i osnovanog zahtjeva za pregled implementirane mjere smanjenja aerozagađenja “utopljavanje” objekta, prijaviti se na javni poziv za sufinansiranje mjera smanjenja aerozagađenja u dijelu koji se odnosi na nabavku i ugradnju toplotne pumpe ili o vlastitom trošku izvršiti nabavku i ugradnju uređaja za zagrijavanje sa pogonom na električnu energiju,

(f) izjavu podnosioca prijave ovjerenu kod nadležnog organa da po izvršenoj ugradnji toplotne pumpe, peći na pelet ili KTP, iste neće otuđiti i koristiti uređaj za zagrijavanje objekta s pogonom na fosilna goriva, odnosno da po izvršenoj ugradnji uređaja sa pogonom na električnu energiju neće koristiti uređaj za zagrijavanje objekta s pogonom na fosilna goriva.

Obrasci izjava iz podtački b), c), d), e) i f) su u prilogu ovog javnog poziva i podnosioci prijave iste mogu preuzeti u Centru za pružanje usluga građanima (šalter sala Grada Tuzle) ili na zvaničnoj web stranici Grada Tuzla (grad.tuzla.ba).

Podnosilac prijave dužan je dokaze o ispunjavanju uslova za dodjelu sredstava za sufinansiranje dostaviti **u originalu ili ovjereoju fotokopiji, uz obaveznu naznaku kućne adrese i broja telefona podnosioca prijave.**

Podnosioci prijave dužni su dostaviti svu dokumentaciju iz ove tačke javnog poziva, bez obzira na činjenicu da li je predmet prijave nabavka i ugradnja toplotnih pumpi sa pratećom opremom i radovima, nabavka i ugradnja peći na pelet, nabavka i ugradnja KTP ili “utopljavanje” objekata u vidu nabavke i ugradnje materijala za izolaciju vanjskih zidova i tavanice objekata i nabavke i ugradnje vanjske stolarije.

Dokazi o ispunjavanju uslova za dodjelu sredstava za sufinansiranje dostavljeni po ranijim javnim pozivima, a koji su ocijenjeni kao prihvatljivi, mogu se uvažiti u ovom javnom pozivu ukoliko nisu stariji od 6 (šest) mjeseci, te je podnosilac prijave po ovom javnom pozivu dužan dostaviti prijavu sa dokazima koji su ocijenjeni kao neprihvatljivi i/ili dokazima koji nisu dostavljeni u prvobitnoj prijavi.

NAPOMENA:

Ostale dokaze o ispunjavanju uslova za dodjelu sredstava za sufinansiranje mjera smanjenja aerozagađenja Grad Tuzla pribavlja po službenoj dužnosti.

Dokaz o energijskom pregledu objekta koji je predmet prijave na javni poziv (odnosi se samo na objekte u kojima se vrši nabavka i ugradnja toplotne pumpe) izvršen od strane ovlaštenog lica u skladu sa Zakonom o energijskoj efikasnosti u Federaciji Bosne i Hercegovine ("Službene novine Federacije BiH", broj: 22/17), koji uključuje predmjer i predračun radova koji su predmet predloženih mjera, podnosioci prijave dužni su dostaviti u roku do 45 (četrdesetpet) dana, računajući od dana posljednje objave preliminarne liste kojom se utvrđuje ispunjavanje uslova iz ove tačke javnog poziva.

Informaciju o licima ovlaštenim za vršenje energijskog pregleda objekta zainteresovana lica mogu dobiti u Federalnom ministarstvu prostornog uređenja, putem telefona +387 33 726 516, ili linka www.ee-infos.ba/registri/.

Smatra se da je podnosilac prijave koji u roku do 45 (četrdesetpet) dana od dana posljednje objave preliminarne liste ne dostavi dokaz o energijskom pregledu objekta koji je predmet prijave na javni poziv, odustao od prijave na javni poziv.

Po utvrđivanju ispunjavanja općih uslova za dodjelu sredstava, Komisija za provođenje postupka po javnom pozivu će pozvati podnosiocima prijave čiji su predmet objekti za koje se ne može osigurati načelna saglasnost JKP „Centralno grijanje“ d.d. Tuzla za priključenje na sistem daljinskog grijanja da se pismeno opredijele za nabavku i ugradnju toplotne pumpe ili peći na pelet, nakon čega će, u skladu sa površinama objekata koje utvrđuje Komisija za pregled implementiranih mjera, Komisija za provođenje postupka po javnom pozivu objaviti konačnu rang listu podnosilaca prijave koji ispunjavaju uslove za dodjelu sredstava za sufinansiranje nabavke i ugradnje peći na pelet i konačnu rang listu podnosilaca prijave koji ispunjavaju uslove za dodjelu sredstava za sufinansiranje nabavke i ugradnje KTP, dok će konačnu rang listu za „utopljavanje“ objekata i nabavku i ugradnju toplotni pumpi objaviti po dostavljanju dokaza o izvršenom energijskom pregledu. Smatra se da je podnosilac prijave koji u ostavljenom roku ne dostavi navedeno izjašnjenje odustao od prijave na javni poziv.

Preliminarna lista podnosilaca prijave koji ispunjavaju opće uslove za dodjelu sredstava za sufinansiranje mjere smanjenja aerozagađenja „utopljavanje“ objekta ili mjere smanjenja aerzagađenja nabavka i ugradnja toplotne pumpe sa pratećom opremom i radovima i konačne rang liste podnosilaca prijave koji ispunjavaju uslove za dodjelu sredstava za sufinansiranje nabavke i ugradnje peći na pelet ili KTP objavljuju se na oglasnoj tabli i web stranici Grada Tuzle, kao i oglasnim tablama mjesnih zajednica.

Na preliminarnu listu podnosilaca prijave koji ispunjavaju opće uslove za dodjelu sredstava za sufinansiranje mjere smanjenja aerozagađenja „utopljavanje“ objekta ili mjere smanjenja aerzagađenja nabavka i ugradnja toplotne pumpe sa pratećom opremom i radovima i na konačne rang liste podnosilaca prijave koji ispunjavaju uslove za dodjelu sredstava za sufinansiranje nabavke i ugradnje peći na pelet ili KTP podnosilac prijave može podnijeti prigovor pomoćniku gradonačelnika za Službu za komunalne poslove, izgradnju i poslove mjesnih zajednica, u roku od 8 (osam) dana, računajući od dana posljednje objave rang liste.

Realizaciji mjera podnosioci prijave mogu pristupiti tek po zaključenju ugovora o sufinansiranju koji će sadržavati prava, obaveze i odgovornosti ugovornih strana, odnosno tek po dobijanju posebne saglasnosti za nabavku KTP iz tačke III javnog poziva. Ukoliko se u objektu vrši nabavka i ugradnja peći na pelet realizaciji mjera podnosioci prijave mogu pristupiti tek po dobijanju prethodne saglasnosti na predmjer i predračun radova od strane Komisije za pregled implementiranih mjera.

Dodjela sredstava za sufinansiranje mjera smanjenja aerozagađenja vrši se nakon što podnosilac prijave u potpunosti i o vlastitom trošku iste implementira i nakon što dostavi račune-fakture za implementirane mjere koje su predmet sufinansiranja, kao i račun za izvršeni energijski pregled objekta u kojem se vrši „utopljavanje“ objekta ili nabavka i ugradnja toplotne pumpe sa pratećom opremom i radovima, zajedno sa dokazima o plaćanju u formi potpisane i ovjerene izjava isporučioaca kojom se potvrđuje da je od strane korisnika sredstava izvršena uplata prema računima – fakturama.

V KRITERIJ ZA DODJELU SREDSTAVA

Kriterij za rangiranje podnosilaca prijava čiji je predmet objekat u kojem se vrši nabavka i ugradnja toplotne pumpe sa pratećom opremom i radovima i „utopljavanje“ objekta predstavlja iznos vrijednosti utroška toplotne energije izražen u kWh/m² godišnje.

Kriterij za rangiranje podnosilaca prijava čiji je predmet objekat u kojem se vrši nabavka i ugradnja peći na pelet ili KTP predstavlja grijna površina objekta.

Smatra se da je prvi na konačnoj rang listi podnosilac prijave čiji objekat ima najnižu vrijednost utroška toplotne energije izražen u kWh/m² godišnje, odnosno podnosilac prijave čiji objekat ima najmanju površinu.

VI ROK I NAČIN PODNOŠENJA PRIJAVA NA JAVNI POZIV

Javni poziv ostaje otvoren 15 (petnaest) dana, zaključno sa danom 19.06.2020. godine, a objavit će se na oglasnoj tabli i web stranici Grada Tuzle, kao i na oglasnim tablama mjenih zajednica na području grada Tuzle.

Neblagovremene prijave i prijave koje nisu dostavljene u skladu sa tačkom IV javnog poziva neće se uzeti u razmatranje.

Prijave na javni poziv sa propisanom dokumentacijom dostavljaju se u zatvorenoj koverti putem Centra za pružanje usluga građanima (šalter sala Grada Tuzle) ili preporučeno poštom na adresu:

GRAD TUZLA

Služba za komunalne poslove, izgradnju i poslove mjesnih zajednica

Ul. ZAVNOBIH-a broj 11, 75000 Tuzla, Bosna i Hercegovina

sa naznakom:

„Prijava na Javni poziv za dodjelu sredstava za sufinansiranje mjera smanjenja aerozagađenja na području grada Tuzle za 2020. godinu – NE OTVARATI“

Sve dodatne informacije o načinu i postupku učešća u javnom pozivu mogu se dobiti u Službi za komunalne poslove, izgradnju i poslove mjesnih zajednica Grada Tuzle, Komisija za provođenje postupaka po javnim pozivima, direktno ili putem telefona +387 35 307 340.